

# Is dat'n nejen Tik-Tok-Trend?

IN D' LUUR

**Karin Böhmer**

redaktion@on-online.de



Sodraa en upstünds in d' Zeitung kickt, giff dat al weer de nächste Atomdrohung. Putin weifelt mit sien Raketen. Kim Jong Un will ok wat d'rto seggen. China un Iran maken't stikumer. Man ok de anner Atomstaaten laten weten: „Wenn ji willn, denn köönt wi ok.“ Is dat'n nejen Tik-Tok-Trend? Anners kannst dat Theater nich begriepen. Dat is wiss so'n töfelig Spööl unner Präsidenten, as jung Lüü dat in hör Netwerken maken, um annern wat to bewiesen. Man mutt dat partout de Atomkrieg wesen? Köönt Putin un de annern sük nich'n Emmer kold Water över't Kopp geten? Of Sepenpulver freten? Dat is doch ok al maakt worden. Denn sünd se gliek ofköhlt un hebben de Snuut maal mit Seep utwusken.